


OLOKA VOOMALELA

 . . . Ni okhala va wira kikokhorele vamosa ni nyuwo. Nto vano okathi vakhani ohinatthi Mutthaka, kookhalana mpatthani aka ooreera murima va vaplataforma ohiy'ula, Totori Lee Vayle, a ekereja Patista Yoopacerya oLima, Ohio, yoowo aari mmosa wa anamakhaliherya aka omuthukumanoni wa oLima. Miyo koomukoha, kirwaaka ohiy'ula, sinto owo khaarowa ohimeerya nuulumo nimoso paahi muthukumano, khino nnihimya mwaha wa muthukumano wa oLima, wa okathi ontharelana wala miili. Ni miyo kinnitthapela, otteeliwa murima owooniheryani ohiy'ula, Totori Lee Vayle, muPatista mukina orina Erooho Yoowaarya. [Nipuro vahiitthu mufiitani—Mol]

² Amen. Muluku ooreeriheni, Munna Vayle, nave.

³ Eyo yaari yooreera saana ni pastore muPatista, kahi siiso? Ahe, hiyo khanreere otteeliwa murima okhalana Munna Vayle ni hiyo. Ni vekeekhai mikhora ti soohuliwa wa owo wira othhike ni anithotole okathi p'ukathi owo onwery'awe. Nto vano ohiy'ula . . .

Meelo ohiyu ti—*Ovithiwa* wa Pwiya Yesu.

⁴ Ttiminku voosiisu muteko w'okokhorela wa nsuwa niphattuwaka ewoora ya neethanu na mosa. Ni kookupali wira munna oohimya epantte yoottharelana ya muteko.

Vano nrowe nivekele okathi vakhani paahi.

⁵ Apwiya Ottottopeliwa, Masu Anyu ti Ekeekhai, ni hiyo ninnixukhuru mwaha wa atthu anrumeela Yaawo, oohoova, okathi anaalaleeryaaya atthu. Ni nimukhunlaka Bibilia ohiy'ula, wala okhunla makukhu Awe, Erooho Yoowaarya erwe enikhunlele hiyo Masu a maiwelo. Mwa Yesu Kristu, hiyo ninnivekela. Amen.

⁶ Ohiyu ula muulupale hiyo ninuupuwelaahu, okhomeliwa wa Pwiya'ahu oottottopeliwa, kintthuna kisome ohiy'ula mwa iyano Sawe sooreeraxa, Masu Owo olepihaly'awe Muliivuruni mw'Awe. Mwa Matewu Oowaarya, kapiitulu 4, hiyo. . . ni versiikulu 47 ni 48, ninsoma ela:

Mwaakhomasaka axinn'inyu paahi, muniira exeeni yootepa oreera? hata amalapo khaniira-tho siiso?

Masi mukhale ooloka voomalela, ntoko Atithi anyu ari wirimu siri-aya ooloka voomalela.

⁷ Nto ohiy'ula noohimya wira ninrowa olavula mwaha wa *Oloka voomalela*. Vano hiyo. . . Eyo enikhala ntoko yoosoma yootikiniha okuxa mwaha wa ohiyu wa okhomeliwa wa Pwiya'ahu. Masi olelo, alakela, nyuwo mwaahimwiiwa raatiyu,

ni wiiwa mitthaka soohiyana-hiyana ni anamitthaka, moota awo yoonihenryaaya nihiku nle nuulupale noowoopiha okathi Pwiy'ahu okhwenly'awe itampi sa molumwenkuni. Tivo miyo koothanla, ohiy'ula, ovirela enamuna yoovirikana, wira kiphiyerye eyo, wira ekhale yoovirikana vakhani ni wira ewerye wooriirihani vakhani. Nto Erooho Yoowaarya yoottotopeliwa yuupuxerye Masu vano okathi oniilipihaahu wira niruue Yaawo.

⁸ Muluku onttthuna oloka voomalela. Nintthuna nuupuwele yeeyo, wira khiivo hat'etthu yoohimalela ekhanle okelaka Ohoolo wa Muluku. Ehaana okhala yooloka voomalela, okokhorela wahu, itthu sothene.

⁹ Vano, omatta wEdeni, Muluku aahikhalana Atamu ni Hawa omatta. Vano awo khuttheka ni khuhonona ikano sa Muluku, mwaha wo wira etampi, ohiiwelela. Nto okathi ottheka onirwaaya, ohiiwelela onkhala ohonona ekano. Nto ekano ya Muluku, Owo aryeene oowaarya, oowaarya voohivonyeya, tivo khanivo hata nlepa na ohaarya nikhanle okhalakhala neemelaka Ohoolo Wawe. Tivo, vakhala wira etampi erwiiye mulaponi mwaha w'ottheka, vano etampi ehaana olakiheriwa natampi ahinatthi hata okhala Ohoolo wa Muluku.

¹⁰ Vano, yaahikhale ekano, vano khiivo exariya. Masi ikano saavekela, wala, exariya envekela ekano. Ni ekano, okathi e—enromoliwaaya, eyo enkumiherya exariya.

¹¹ Vano, ni ekano, khiivo erutthu enoopowa. Vano, ekano khenwerya onoopola. Ekano yaari paahi etthu yaanihela mukalapooso, masi kherina owerya w'ovuluxa. Ekano paahi yaanooniherya wira naari anatampi, ni yaaninihukhumu. Ti yeeyo ekano erinaaya wira. Eri wira eruuheke ehukhumu, ahiiso owoonihani vatthu vari ovonya wanyu. Tivo ekano, mmansaya, khiyaawerya woopola. Eyo yaawerya paahi ohimyana mulattu.

¹² Nto Muluku, oryeene oowaarya ni a xariya, Owo aahaana okhalana ohimyana mulattu. Owo aahaana omuhimyana mulattu natampi okhala wira aahivikana mikaano sa mahala, ni aahikhala mutthu namahonona ekano. Vano, owo aahaana waakhela mweettiheryo aya.

¹³ Nto khula ekano yookhalana ehukhumu, okhala wira, ehukhumu yo ohonona ekano ya Muluku onkhala okhwa. Nto yaahaana oruhela okhwa nloko n'atthu. Ni nloko nothene n'atthu nri vathi va ehukhumu ya ekano yeela.

¹⁴ Vano, okathi Atamu ni Hawa yaairalyaaya etampi, khiyaakhanle hata enamuna, hata murette mukina awo yaakhanlyaaya ophiyeryaka okhala-tho Ohoolo wa Muluku, voohikhala wira etampi ila yaamulokihiwa. Ni khaavo hata mutthu okhanle wiiraka etampi ya khula enamuna, voohicala oyeva xeeni wala wunnuwa xeeni, etampi iyo ya mutthu ehaana

olokihiwa ole oirale ohinatthi oweriya okhala Ohoolo wa Muluku Oowaarya.

¹⁵ Vano, tivo, okathi Atamu ni Hawa yaatthekanse-aya ni khuhonona ekano, awo yaari oolamuleliwa okhwa. Nto ekano yaahaana omaliheriwa, tivo yaahihela nloko nothene n'atthu vathi va ehukhumu ya mookhwaani. Vano nawerya-ru paahi wiimaaliha okathi vakhani vano, mwa muupuwelo ahu, ni oweha elatarato ela yuulupale, ni wuupuwela wira khula mutthu va ori muhina mwa yeela. Khula mulopwana ni muthiyana, mwaana, ori muhina wa ehukhumu ya mookhwaani, mwaha w'ottheka wa muru wa nloko n'atthu, Atamu; mwaha wo ottheka wawe, khula mmosa a hiyo nookhala ehuri ya etampi.

¹⁶ Ni etampi ehaana olokiheriwa. Nto siiso, Muluku, mwa ohimala Wawe wuulupale ni ophenta Wawe wuulupale. . . Ikano saari wira sinvalaanihe natampi ni Nammupaka awe; vano owo khukhala oomalamalihiwa, nto omalamalihiwa voomalela, khiyaarowa okhala hata enamuna wa owo okhalakhala otthikaka mpakha etampi ile olokiheriwa. Ni yaamukhala yookhweyaxa nto waamini omalamalihiwa voomalela wa natampi wookiseryani, maana owo ori voomalela, oovalaanihiwa wa mahiku othene Ohoolo wa Muluku.

¹⁷ Vano nwehe etampi ila. Ni moota Muluku, oryeene naxariya, ni Owo khaakhanle wiiraka hat'etthu ekina woohikhala okhala naxariya, maana Owo ti ephattuwelo ya exariya yothene, vano khiyaarowa okhala etthu ekina wira Owo aire woohikhala okhaliha ehukhumu mwaha wo ottheka nno. Nto ehukhumu waari okhwa, okhala wira Owo aahimnye wira, "Nihiku ninrow'anyu olya, nihiku nenlo vekeekhai nyuwo munookhwa." Vano, eyo elatarato yooriipela nrin'ahu va.

¹⁸ Masi nto natthikelaru ottuli vakhani paahi, khuweha mikhalelo sene sa Muluku, Bibilia onnileela voowooneya wira "Muluku ophentaa." Masi nlelo, oryeene ophenta, Owo ohaana okhala naxariya. Tivo, ophenta khonihimya paahi wira etthu ekhanle weepesiwaka ni othweelaniwa. Ophenta ti exariya ya Muluku.

¹⁹ Vano, okathi Muluku oonaly'awe wira an'Awe yaahihonona ikano Sawe, ni wira awo yaahaana ophwanya okhwa, ophenta wo omwaneene waahikela wira opake ephiro. Maana, Muluku aahoona wira aana ala yaahaana omalamalihiwa mara, voomalela okhuma Ohoolo Wawe. Khiyaakhanle hat'etthu ekina yoowiiriwa, okhala wira awo yaahihonona ikano Sawe, ni ehukhumu ya ikano Sawe waari okhwa.

²⁰ Vano nto ophenta wa Muluku waahikhupanyerya mwaha w'atthu Awe. Nto okathi ophenta wa Muluku onooniheriwaaya, mahala a oyuulupale ankumiherya etthu ya ophenta. Ni Muluku, mwaha w'osuwela khalayi ene, okathi Owo ophentalyaawe nloko Nawe vanci-enexa; nnakhala vo, ni ehukhumu, Owo

aahiruuha okhwa woorantela wira wiiraneye omatta wEdeni. Eyo yaari, Owo aarantelinhe yoopattuxiwa yoothittheke, mwaapwittipwitthi ahaasuwela hata etampi, nto owo aahikhala murantteli, wira ovare muteko ni okhwa nipuro na natampi oottheke. Nto aari mwaapwittipwitthi, oowiiviwa, wira osuke ekumi y'atthu Awe.

²¹ Mwa Waataana Wa Khalayi wothene awo yaanivaha ephome ya amwaapwittipwitthi ni ipuri, ipwittipwitthi, inyompe soolopwana ni amwaanyompe oothiyana, okhwa woorantela. Masi, mwa esukeryo yothene ya Muluku, yaahikhala mmuupuweloni Mwawe Etthu y'ekeekhai jaarwa, yaayo jaarowa okhala...Iye saari iruku sa Etthu y'ekeekhai jaarowa orwa. Nto Etthu y'ekeekhai jaarowa orwa, aari Mwan'Awe mmose-ene. Amwaapwittipwitthi othene yaakhwiye yaari eruku paahi. Nto eruku ti epantte ya nekatiivu paahi ya etthu. Nto awo yaalavula paahi orwa wa Kalvario.

²² Vano wa elatarato ya yeela, nrowe naakhunle aBibilia ahu, Muliivuruni mwa aHeperi, ni nikuxe va etthu Paulo, murummwa muulupale onlavulaawe, atthunaka onivalaaniherya itthu iya wa hiyo. Kapiitulu 10 ya Eliivuru ya aHeperi, ninsoma so.

²³ Ni moota ankisivelaaya Masu! Masu ti Ekeekhai. Nto miyo okisivela osoma Awo ohoolo wa muthukumano aka, okhala wira koosuwela wira woolamuliwani miyo kinrowa okhala ni yaawo. Ni kihaana waakhula. Tivo miyo karuuharu Ila okhuma Mmasuni, nto nkinrowa okhala oottheke; okhala wira Awo Masu, ni Muluku onnithokorerya Masu Awe.

²⁴ Hiyo ninnoona vanci-ene olelo, sa anamalaleya ni sikina, atekaka varyari va atthu. Oh, eyo etthu yoowuuliha muru! Ni hiyo ninnoona wira, orowa mmakerejani, ninoorowa mukereja nto munimphwanya pastore mmosa, orina enamuna awe y'omeekha yo wira, eyuukhuwelo emosa yaamukhaani. Mwaahiwehe vale, muthukumano wothene onookuxa erooho eyo. Owo akhalaru oothananiha vakhani, wala ottikinya muru awe, wala etthu yaamukhaani yootikiniha, ahe, ekereja yothene onookuxa yeeyo. Nto hiyo noophiyerya, olelo, mwa ikereja sahu sa vano, mpakha sikhanyaaya iyuukhuwelo ni itthu sikhani siiso. Nto yooruuhela otepanyeya wunci-ene! Masi, oh, axinn'aka oophentiwa, vakhala wira wootoko okhala okathi waarinaahu okhalaka mwa Masu, olelo!

²⁵ Moone, yaamurowa okinanara weemela woolamuliwani ni osuwela wira kaahikhalana ohilipiherya vakhani wa muupululo mwaamukhaani w'omeekha, nto khuweettiherya atthu voovonyeya. Miyo nkinthuna wira awo ekhalane erooho aka mwa soowiira saka, masi kinthuna wira ekhalane Erooho ya Muluku mwa Masu a Muluku, anikumiherya Ekeekhai.

²⁶ Vano wa okathi ula muulupale ohiy'ula, miyo kaatthuna kosome mwa Masu a Muluku Ahinimala. Vano hiyo ninnisuwela

wira ikano saahikhala mwa miyaakha sinci-ene, masi ikano khisaawerya okumiha etampi. Ntoko sihimalyaaka khalayi, eyo yaari ekhatteya paahi. Eyo yaari nanvara muulupale ooleelani etthu mwiiralyaanyu, masi khaarina murette wira ootaphuleni. Eyo yoohelani mulooca mwa neemexeryo, masi khaakhanle hata Nvuluxa wira ookumiheni, ni yeeyo. Eyo enimootthukwelani paahi, wira yoosuweliheni wira mwaari natampi. Masi vano nwehe mwa aHeperi, kapiitulu 10, okathi onsom'ahu.

Maana ikano sirina eruku sa itthu sooreera sintthuna orwa, ni kahiyo elatarato ya ekeekhayi . . .

²⁷ Muupuwele, yaari eruku ya elatarato yaarowa orwa. Eruku enooniherya paahi wira yookhala elatarato empaka eruku. “Eruku ya itthu sinrowa orwa, kahi elatarato ene.” Nwehe, “sa itthu . . .”

. . .eruku ya itthu, khasinwerya ni mikuttho iyo saavahiwa . . . voohihyererya waalokiha voomalela ale anaattamela.

²⁸ Vano, Muluku, wopaceryani, aavekenle oloka voomalela. Yesu, okathi Owo oruuly'awe elapo ya vathi, oirale, “Mukhale ooloka voomalela, ntoko Muluku Wirimu siryaawe ooloka voomalela.” Nto ikano, siryeene eruku ya itthu saarowa orwa, khisaawerya omulokiha voomalela mulipa-ookokhorela. Munnoona elatarato ene? Vano nikele-tho mwa yeela wira mukupali wira khamuniyeleela. Muluku ontthuna oreera murima voomalela. Khaavo onwerya okhala mwa mukhalelo Awe, orina-ene nlepa naamukhaani na etampi. Yesu aahikhalela onamoona yeeyo, khwira, “Mukhale ooloka voomalela, siiso ntoko Muluku Wirimu siryaawe ooloka voomalela.”

²⁹ Ni Bibilia ohimnye wira, “Ikano khisaawerya nnakhala, ni mikuttho saya, omulokiha voomalela namwaattamela.” Vano, ikano khisaawerya olokiha voomalela hat'etthu. Saari namathoonya paahi. Mikuttho iya, saavahiwa khula mwaakha, khisaawerya nnakhala omulokiha voomalela mulipa-ookokhorela. Vano tivo, khaavo hata mmosa vathi va ikano, wala otthara ikano, wala vathi va iruku, aawerya okhala ooloka voomalela.

Tthiri (versiikulu 2) nto khisaarowa ohiwa ovahiwa? . . .

³⁰ Yaakhanle-ene etthu enwery'aka wira wira kiikhalihe ooloka voomalela Ohoolo wa Muluku, weeso Kristu khaarina ookikhwela. Yaakhanle-ene etthu munweryaanyu wira, yaarowa ophwanela etthu Ohoolo wa Muluku, weeso Kristu okhwiye mahale-ene. Khuuvo hata otthara ikano, hata akhili anyu ootthara malamulo, hata vakhani wa oreera wanyu murima, hata itthu mwaakhanlyaanyu ohiyaka wira, ohiya wootha, ohiya wiiya, ohiya onvura sikaro, ohiya orowa osineemani, nlelo moopweteya. Khiivo enwerya wira yeeyo! Wiitakanxa

ikereja, soowiira, meera, opatiiso, malamulo a ekereja, osoma iyaaminelo, wira mavekelo, itthu iya sothene khisaarowa ohimya etthu. Nyuwo moopweteya! Khiivo hat'etthu mukhanly'anyu wiiraka mmansinyu, okhala wira nyuwo mwa natampi vathi va ehukhumu. Ni khiivo enamuna mwa nyuwo, wala eyaaminelo, wala etthu p'itthu mwaakhanly'anyu wiiraka wala wuupuwela, ya yeenyu, yaakhanle ophwanelaka etthu Ohoolo wa Muluku, okhala wira nyuwo mwa natampi opacerya wene.

³¹ Ni Bibilia onnihimya, wira hiyo othene niyariwe mutampini, nipakiwe mwa sootakhala, niruule mulaponi noothaka. Ni Muluku khaakhanle omukuxaka mutthu wira amukhwele mukina, okhala wira mmosa t'otthekaxa ntoko mukina. Ohoolo wa Muluku, pixipu muulupale oyariwe molumwenkuni mu aari oottheka ntoko namuhapaliwa ootepaxa mmuttettheni. Mmosa khonwerya omulivela mukina.

³² Tivo, Owo aakunxe ekumi yoohittheka ya mwaaxinama, mwaapwittipwitthi mwaamukhaani. Nto vathi va Waataana Wa Khalayi, ikano saari, okathi mutthu aatthekaawe, owo aamuruuha mwaapwittipwitthi waltaari. Nrowe nihimye wira owo aahihonona emosa wa sooruma, owo aamuruuha mwaapwittipwitthi khumpweha waltaari, owo aahela matata awe vamwaapwittipwitthini nto aamulapa itampi sawe, wira owo aahivonya ni aahisuwela wira aahittheka. Wa... ni aari...Ikano saavekela okhwa. Nto owo aamuruuha mwaapwittipwitthi vooপুরoni vawe. Nto okathi owo...mmilo wa mwaaxinama waathikiliwaaya, vano owo khupacerya oriha inawu sawe sikhaani, ni wunla. Vakhala wira mootoko woona wiiviwa wa mwaapwittipwitthi, wunla xeeni woowooniha othunku! Mwaamukhaani uwo ophavelaka wunla, nto mutika awe mukhaani wa muxikoni othikiliwe. Nto okathi ontannya-awe metto ni othukumela, ni okathi oniisookolaawe, nto othukumela-tho ni wunla, nto ephome enavuuva, enoonaaniha manri awe makhaani ni matata a mulipa-ookokhorela.

³³ Nto okathi mulipa-ookokhorela onsuwelaawe wira, mwaha wo oraruwa, mwaha wo wootha, wiya, khula ottheka wawe, wala hata wuupuwela wootakhala, hata yaari xeeni mwa eruku yooyevaxa, owo aahittheka, okhala wira waari mukhalelo awe. Owo aari mutthu oottheka, khino woohikhala voothuna, masi mwa mukhalelo owo aari oottheka. Ni owo aahaana osuwela wira mwaapwittipwitthi ula oohittheka aahikhwa nipuro nawe. Nto owo aanoona othunku mwaha wa etthu ekhaani.

³⁴ Masi mutthu, naanaanoru mwaapwittipwitthi vookiserya aakhwaawe, ni ephome ya mwaapwittipwitthi mmatatani mwawe, owo aakhuma mpaani ni etthunelo emosaru mmurimani mwawe, yeeyo owo aarinaawe wopaceryani. Mwaha wa xeeni? Okhala wira ekumi yaari mwa mwaapwittipwitthi mwaamukhaani...Ekumi eri mphomeni. Ekumi anyu eri mphomeni mwanyu. Hiyo noosuwela eyo. Nto ekumi mphomeni

mwa mwaapwittipwitthi yaari ekumi ya enama, tivo okathi ipantte sawe s'erutthu saanyaanyiwaaya nto ekumi khukhuma mwa mwaaxinama, khiyaawerya omuhokolowela mulipa-okokhorela, okhala wira mulipa-ookokhorela aari mutthu.

³⁵ Ephome yaamukhuneela, masi khiyaawerya ottipiha voolikana; maana mutthu aakhuma mpaani, ni etthunelo emosaru yo wira etampi, ntoko owo saarin'awe wopaceryani. Masi, airaka yeela, owo aaweha ohoolo okathi aarowaawe okhala Mwaapwittipwitthi ooloka aarowa orwa. Nto owo aaira eyo vamukutthoni woopahiwa, okhala wira eyo yaari enamuna emosa owo aasuwel'awe.

³⁶ Tivo, moone, okathi ephome yaavuuyaaya, n'ikumi enakhuma mwa mwaaxinama, khiyaawerya omutthikela mutthu; maana, mmosa aari mwaamunama, mmosa aari mutthu; mwaamunama oohittheka, wa mutthu oottheka.

³⁷ Masi, oh, nihiku nimosa, miyaakha ikonto piili khalayi, Mwaapwittipwitthi a Muluku aahiyariwa mwaalyela inama waamukhaani oPetelehemu, ni aahihooliwa ntoko mwaapwittipwitthi orowa oniiviwa inama. Miyaakha ekonto emosa ni imiya thanu na xexe sivinre, oxekuw'ola, iwoora tthaaru Owo ohookhwa. Nto oohikhala nlepa, Mwaapwittipwitthi oohittheka a Muluku aahithomeiwa vamwiikimanyo wa oKalvario khimukhwela khula natampi. Vano okathi mulipa-ookokhorela onrwaawe wa Mwaapwittipwitthi ula, ni waamini! Nto ola muthinto mmosa woovirikana wa Mwaapwittipwitthi. Owo khahiyo Mwaapwittipwitthi ntoko mukina.

³⁸ Khaavo onwerya orwa wa Mwaapwittipwitthi ula, ehikhanle wira Muluku onoomuruuha toko. Munnoona eyuulupale ya Muluku? Oh, kinroromela wira ela ennikela muhina saana vano. Nkawehani. Muluku aahisuwela wira Owo aahikhalana ipwittipwitthi molumwenkuni mu. Owo aanisuwela wira aamurowa okhalana athu wira yoopoliwe, nto ophenta Wave khuweha vathi khuwoona ale yaarowa woopowa; tivo, mwaha w'osuwela khalayi ene, Owo aahitthoma Ekereja wira ekumane ni Yoowo iwe, yoohikhalana hata nlepa wala ninnyaari. Nto vakhala wira Muluku aathuna Ekereja yoohikhalana nlepa wala ninnyaari, Owo aahaana okhalana etthu wira ekhalihe siiso. Owo khaakhanle ovekelaka, exariya Awe, ilamulelo Sawe khisaakhanle omuhiyaka Owo ovekela etthu ene eyo yahaakhanle enamuna y'opaka.

³⁹ Nto mutthu khonwerya wira mmansawe. Owo evonyeryo voomalela. Muluku oomutthuniherya woona eyo mwa ikano, mwa aphuki, ni mwa Waataana Wa Khalayi wothene. Owo aahaaveleliha maprofeta, Owo aahinveleliha mutthu naxariya, vano awo yaahoona wira khula mmosa aahivonya.

40 Tivo, Muluku, ni mahala Awe vootthuna, khimuruma, okhuma mikhora sa Movuwani, Mwan'Awe mmose-ene, wira okuxe nipuro nahu.

41 Muupuwele, Owo aahimnye-ru wira paapa a oRooma akuxe, owo khaarowa owerya wira. Owo aahimnye-ru wira pixipu muulupale a oKanterbury aire, owo khaarowa owerya wira. Owo aamwiitthanne-ru reverendu oowaaryaxa phaatiri wala pixipu a molumwenkuni, owo khaarowa owerya wira. Aamwiira okhootiwe ntoko Yuta Iskariyoti. Owo khaarowa owerya wira, okhala wira "oyariwe mutampini, opakiwe mwa soothakhala, oruule mulaponi oothaka," ni aanitthuna ettipiheryo wa yoowo.

42 Aleluya! Masi aahikhala Mmosa aarwiye okhuma mikhora sa Movuwani; hata mukina, kahi mutthu, kahi mutthu oreera murima, nnakhala muYuta wala Mmalapo. Owo khaari hat'etthu woohikhala Muluku Oowerya sothene, owiipitha mw'erutthuni ya mutthu. Owo aarwiye, Mwaneene, wira ovahe Ephome Awe Yoowo, maana Eyo khiyaarwiye mwaha wa ekhapa. Ekhapa khiyaarina-vo etthu. Masi Owo aamukhuneenle eruku harusi mmosa, khimukumiherya mwa erukuruku y'Ephome Owo aapattunxe-awe, Mmansawe, Ole oohittheka.

43 Vano woopowa waka, wawinyu, ohiy'ula, khonttharihela iphwanelo sa soowiira sahu yoohi. Eyo entthariha mahala a ekeekhai ni vootthuna wa Muluku Oowerya sothene Yoowo onithanlale mwa Yoowo. Vekeekhai. Miyo nkaawerya nnakhala okhala ooloka voomalela, nnakhala nyuwo khimwaawerya okhala ooloka voomalela. Ni hiyo khannihimya okhala ooloka voomalela. Masi nookhalana okurunuxiwa murima nno, wira, waamini wahu ommumula mwa Mukuttho wooloka waakheliwe!

44 Vano ninsuwela sayi wira ninniphwanya Yoowo? Okathi mulipa-ookokhorela onihel'awe matata awe, ni waamini, v'erutthuni va Pwiya Yesu, ni woona woopiha w'etampi, ni onyemula wa isenye wiitho Wawe Yoowo, ononaawe wiipulela wa oKetisimani, oluwela wa oKalvario, ni onasuwela wira t'ottheka, ni olapa itampi sawe oratteene, "O Apwiya Oottottopeliwa, miyo koottheka. Ni nkirina enamuna ekina woohikhala Nyuwo okikhaliherya. Ni mwaha wo waamini... Nyuwo munoolattula, Erooho Yoowaarya, ehoorwa ni ennkilattula orwa. Nto miyo vano, mwaha wo waamini, kinimukupali Yesu okhala Moopoli aka." Ekumi ile ekhumme mwa Yoowo oKalvario, eniihaniwa Erooho Yoowaarya, yeeyo yaaipithiwiwe mw'erukurukuni y'Ephome ya Pwiya Yesu, entthikela wa mulipa-ookokhorela ni ompatisa ni Erooho Yoowaarya, mw'Erutthuni mwa Kristu.

45 Nto Owo oolamuliwa. Nyuwo khamurina y'oxanka mwaha w'olamuliwa. Kaarukunuwaka ni woona mwiikimanyo ole mwaamukhaani, kinnisuwela wira e...onthoonyerya erutthu

Awe. Nto vano erutthu iyo yoolamuliwa. Muluku khokhanle ni exariya olamulaka-tho, maana eyo yoolamuliwa. Muluku oohelela ilamulelo sa okhwa erutthu yeeyo. Nto kaaweryakaru ophwanya enamuna yo wiipitha mw'erutthuni memmo, olamuliwa Wawe oireliwe mwaha wa miyo ni mwaha wa nyuwo. Hiyo nootaphuwa! aRooma 8:1, yiirale, "Khiivo ehukhumu vano w'ale ari mwa Kristu Yesu, aahineettela makhalelo a erutthu, masi aneettela makhalelo a Erooho." Eyo eri vo, hata ehukhumu! Miyo khenikicala ethu enikhumelela, nyuwo mwiipinthe vathi v'Ephome.

⁴⁶ Emaara ekina, ninkela sayi mw'Erutthuni mmo? aKorinto Oopacerya 12:13, anihimya wira, "Mwa Erooho emosaru!" Erooho enrwa sayi? Mwaha wa Mukuttho. Erooho eri vayi? Mphomeni. Mwaha wa xeeni mwaamunama ahaaweryaawe otthika? Aari mwaamunama. Erooho ya mwaamunama khiyaawerya orwa muroohoni mwa mutthu ni omwiirela ethu, okhala wira erooho ya mutthu yaari ya muthinto wa osulu saana ya ekumi ovikana ya mwaamunama. Masi khiivo erooho ya mutthu mukina yaawerya otthika. Nyuwo mwakhalana erooho ya muharoiye, eyo olapela minepa. Masi Muluku Mwaneene aahirwa, wira Erooho Awe Yoowo, ekhanle muthinto wa osulu saana wa erooho ekhanle, enwerya omutthikela mwa mukhalelo w'opatiiso wa Erooho Yoowaarya, mulipa-ookokhorela, mwa Ephome ya Kristu, ni omuroiha muhina mwa Erutthu. Owo onkhala oolipa!

⁴⁷ Nwehe. Ephome y'amwaanyompe ni ipuri khiyaarowa ovar'ethu, woonaka wira yaari yootteettheya. Vano nrowe nipacerye osoma, ntoko eversiikulu 12. Vaareera. Ephome y'amwaanyompe ni ipuri khiyaawerya ovar'ethu, nnakhala khiyaawerya ottipiha. Nwehe.

Masi mutth'ula, (Mutthu xeeni? Pixipu? Nnari. Paapa? Nnari). . .

Masi mutth'ula, nuumala. . . ohela mukuttho mwaha wa etampi emaara emosa paahi, ookilaathi moonoo woolopwana wa Muluku;

Okhuma vano mpakha ohoolo onwehereryaawe awanani awe okhalihwiwa ntthatto na inawu sawe.

⁴⁸ Moolikana? Moolikanela Masu? Nwiriyaane Ela, nto kintthuna muhiye Ela epwine. Nwiriyaane oratteene.

Okhala wira mwaha wa mukuttho mmosa (kahi mwaakha ti mwaakha, kahi muhakalaliho ti muhakalaliho, kahi muthukumano ti muthukumano, kahi nihiku ti nihiku). . .

Masi mwaha wa mukuttho mmosa o-h-a-a-l-o-k-i-h-a voomalela (awo aalokiha? Owo ohaalokiha!). . .

...mwaha wa mukuttho mmosa ohaalokiha (eyo ti yoovekela ya Muluku) wa mahiku othene ale anreerihwa.

⁴⁹ Eyo eri vo. Iwo ti waakhula wa okhwa wa Kristu. Iwo ti waakhula wa oKalvario. Owo mara, ni Ephome Awe, oothuma itampi sahu, ni ohaalokiha voomalela wa mahiku othene, alipa-oowaamini Awe. Tivo, mwa Kristu nimphwanyaneya oohittheka, ooloka voomalela Ohoolo wa Muluku Oowerya sothene. Hiyo n'atthu oohicaliwa, ni miixuttiho sahu; hiyo othene niixuttihiwe wira nihaana ophiya nipuro nimos, nihaana wira etthu khata. Nnari, munn'aka, kehiyo hat'etthu mwiiraly'anyu; t'ile Muluku owiireny'aweni! Hiyo vano, hiyo nakhalihwa naxariya mwaha wo waamini, hiyo nookhalihwa ooloka voomalela wa mahiku othene Ohoolo wa Muluku.

⁵⁰ Vano Yesu ohimye wira, "Mukhale ooloka voomalela." Vano, ookhalihwa ooloka voomalela wa mahiku othene. Muluku, mwa okhwa wa Kristu, miyaakha ekonto emosa n'imiya thanu na xexe sivinre, olelo, oomulokiha voomalela mulipa-oowaamini, Owo aamoonalyaawe khalayi ene ohinatthi opattuxiwa olumwenku, wa mahiku othene. Nto ale Owo owiihann'awe, Owo ohaakhaliha anaxariya. "Ale Owo aasuwenly'awe khalayi ene, Owo oowiihana; ale Owo owiihann'awe, Owo ohaakhaliha anaxariya; ale Owo aakhalinhe-awe anaxariya, Owo ohaavuwiha." Owo ohaalokiha voomalela alipa-oowaamini Awe!

⁵¹ Vano nwehe, nrowe nitthikele vano versiikulu 1.

...ikano siri ntoko eruku sa itthu sooreera sintthuna orwa, ni khahiyo elatarato yekeekhai ya itthu iyo, khasinwerya ni mikuttho iyo saavahiwa mwaakha ti mwaakha voohihiyererya omulokiha voomalela ole onaattamela seiyo.

⁵² Nwehe "ooloka," ti yeeyo enlavul'ahu.

Tthiri khisaarowa ohiiwa ovahiwa? okhala wira sivahiwakaru emara emosa mulipa-okokhorela khaarowa wuupuwela-tho etampi.

⁵³ Munihimya exeeni? Nuulumo wuupuwela vo, ni, otaphuleliwa woolikana, ti "otthuna." Nto mutthu arwa vale, mulipa-ookokhorela, voolikana ene, ohoolo wa Kristu, oonaka ohaawa Wawe, n'uwo khunaivahererya wa Kristu, ni wira, "O Apwiya Muluku, khiivo hat'etthu mwa miyo enwerya ottipiha, masi miyo othene kinlipa ni Nyuwo," vano Erooho Yoowaarya eyo enookela mmurimani mwa mutthu, nwaha ene wa etampi onoomalamalihiwa wa mahiku othene, maana khula otthuna wa etampi wookumihiwa mwa nyuwo. Okhala wira ikano saawenrye-ru wira yeeyo, mikuttho iye khisaarowa okhalakhala simalaka; masi okhalaka wira khisaawerya wira, Kristu aahaana okhwa, wira anikhalihe ooloka voomalela.

⁵⁴ Apatthani, sookhala itthu sinci-ene naakhanlyaahu ohimyaka ohiy'ula, sa oloka voomalela. Hiyo kweekwe nineererya omukumiha maitho mutthu mukina, wira niikhalihe oowaaryaxa vakhani waavikana awo—awo. Masi vaakhanle wira naaniweha elatarato ene paahi, awo mahala a Muluku paahi hiyo nikhanlyaahu ele nikhanlyaahu.

⁵⁵ Nno okathi uwo ovinre, Ohio, kaahiixutta nikano mwa enamuna yoorika. Kaakhalana muthukumano Ohio, ni kaakhala ota wa epantte ya opooma. Mwaha wa mittitthi, nkaawerya okhala mpooma.

⁵⁶ Hiyo naalya murestantante yaamukhaani Dunkard. Nto akarumeya axithiyana oophenteya, ni oowara saana, ni ooratta ntoko saaweryaaya, yiiseettiha saana ntoko ahano, yaaninirumeela. Naari nipattuuxa naamukhaani na wirimu, olya nipuro nlo. Nipuro onaapeiwa waari wooreera saana. Nto Ttiminku awo yaaroolalasa khurowa okereja waya. Miyo kaahivoliwa etala vakhani, kaarowa olaleya Ttiminku oxekuwa.

⁵⁷ Nto miyo khurowa naamukhaani noolikana. . . erestaurantante yaamukhaani yoolimaleleya ya wAmerika, wira kalye etthu. Nto vavolonwaaka, etthu kaaiwalyaaka khiyaari etthu woohikhala maakina a musurukhu evaraka muteko! Ni aahikhala mulopwana mmosa a munnuwelo aka vale, yoowo khino aari mulopwana oothela, ompatinkhe-ene muthiyana mmosa, omuttikhaka musewe mmaakinani mwa musurukhu. Malamulo ahu ene, okhapeleliwa wa exariya ahu, wa mireerelo sahu, aaphwanyaneya vaavale ohononaka etthu yaatthuneya owo okhala okhapelelaka. Okhala wira, ti voovirikanya malamulo omuttikha cuuku Ohio, omuttikha musewe a mmaakinani a musurukhu.

⁵⁸ Vano miyo khurukunuwa khuweha wiithela w'empa, naahikhala nikhuru n'aximiravo, ni etisku yaamukhaani ya rock-and-roll mmaakinani, erumaka. Mwaamuthiyana mmosa a miyaakha soophiyaka muloko ni mithanu na miraru, voowoneya vathi va ekhalelo awe ntoko muthiyana. Masi owo eemenle vale owanre-ene evistiitu awe yoothikilasiwa ohoolo, nto mmosa w'aximiravo ale ni matata awe mwa mwali, nipuro vahaatthuneya okhala. Ni yaanvurasa sikaro ni owurya.

Nto miyo kuupuwela, "O Muluku, munwerya sayi Nyuwo ovilela?"

⁵⁹ Nto kiweha moonoo aka woolopwana, okathi waamwiiwalyaaka mutthu wiipulela vaalupale. Nto aahikilaathi muthiyana mmosa owuuluvala vale, khino miyaakha miloko mithanu na mosa, wala miloko mithanu na miili. Owo aawanre ikuwo iye sa khalayi sikhaani soohifayi, ntoko nuusu na erutthu awe, ni erutthu awe ya mannyaari yaari yoowoolowaseya ntoko saaweryaneyaaya. Ni owo aahootta itthu iya muyanoni, ni etthu yuulupale yooripelela epantte yo wiitho wawe, woopintariwa;

owanre-ene ixapattho sikhaani, isantaalya, ni makwarikhwa a munawoni ooripelela, oopintariwa; makwarikhwa a mmatatani, oopintariwa. Ni maihi awe oometthiwa vookhoveya, ni oonyokotowa, ni oopintariwa vooripelela. Nto miyo khunweha.

⁶⁰ Nto epante ekina ya meesa yaakilaanthe alopwana aili, oohapaliwa. Mmosa aya (waari okathi wa elimwe) owanre-ene ekaapa yuulupale ya khalayi y'eneratoropa, ni ekuwo yoottweelela osipheenle muxikoni, ni ireru wiitho wothene, oopaka ekhanana ni airaka siiso. Nto awo khuhela khomaala, axilopwana khuhela, wa yoowo, khupacerya okhuma so, erowasaka oxooro.

⁶¹ Miyo khweemela vale. Nto miyo khwira, "Muluku, Nyuwo muhinihononela-ni etthu yothene? Muhinipwinihela-ni vathi v'etthaya?" Miyo khwira, "Sarah aka mwaamukhaani ni Rebekah ahaana orowa wunnuwa vathi va etthu siisaale?" Miyo khwira, "Munwerya sayi Nyuwo, Muluku, mwa waarya Wanyu, ovilela oweha etthu siisaale, khuhinaveleeliha etetere y'elapo mpwiniha?"

⁶² Nto kiryeene vaavale, kimulamulaka muthiyan'ole, ntoko saary'aka, miyo kirowa wiithela wa mukhora. Kaahoono Erooho ya Muluku okirweela, nto kirowa wiithela wa mukhora.

⁶³ Nto kaahoono ntoko etthu ovilikeya. Nto okathi yiiraaya, mwa yoowoona, waari olumwenku ovilikeyaka ovilikeyaka. Nto okathi waawehaaka, voorukurerya olumwenku musako woaxeerya, waarukurerya olumwenku. Nto okathi waattamenlyaaka olumwenku, kaahiisoono yoomi, mwammiravo paahi, kiiraka itthu sahaatthuneya wira kiire; khino kahi etthu ntoko *siiso*, masi yaari etampi. Nto khula okathi kiiraaka etthu, kaanoona eruku ile yuulupale yooriipa erowaka Wirimu. Yeeyo, Muluku aarowaawe wira okiivale-ene minuutu ene yoole.

⁶⁴ Vano kaahoono waaphwanyaneya eriyari ya miyo ni Muluku, waaphwanyaneya Mukuttho ole wooloka. Miyo kaahimoono Owo eemenle-ene vale ni miiwa mmuruni mw'Awe, ni isenye sipharelenle wiitho Wawe. Nto khula okathi itampi saka saarowaaya wa Muluku, Owo aanookola moono ni okuxa, ntoko eparaxooke mukaaroni. Owo aamukikhapelela wira kihikwe. Ni khula okathi kaairaaka etthu yovonyeya, Muluku aamwiira okiivale. Vekeekhai, owaarya Wawe onvekela yeeyo. Ikano Sawe sinnivekela eyo. Nto khula okathi kaairaaka etthu, wala nyuwo wira etthu, Ephome ya Yesu Kristu eniira ntoko eparaxooke. Ni kaahoono wira musako ole woaxeerya waahimya wira, nto, wira Ephome nlelo ennikhapelela elapo ya vathi.

⁶⁵ Nto okathi waaphwanyaney'aka, kiwehaka, kaahimwaattamela Yoowo okathi waanwehaaka. Ni kaaniwerya omwiiwa Owo wira, "Tithi, mmulevelele, owo khonsuwela eniir'awe." Nto kiweha vathi, nto yaahikhala eliiwuru. Ni naahikhala Nlaikha vale nilepaka, ni neemenle vakhiviru

va Yoowo. Ni khula okathi kaairaaka etampi, yaaheliwa muliivuruni. Ni nsina naka naari memmo. Nto kaahisuwela wira nihiku nimosa, miyo. . . musako ole wa Ephome waamurowa okumihiwa nto kaahaana okhala Ohoolo wa Muluku, ni makhalelo aka a etampi. Masi, miyo kaahoon, mwaha wo omoriwa Wawe ikharari Owo aanivololiha ehukhumu aka.

66 Miyo khurowa wa Yoowo, voowiiyeviha. Miyo kaahikokhora, nto khwira, “O Yesu, Nyuwo Mwaana a Muluku, miyo nkimphwanela orwa Ohoolo Wanyu. Masi Nyuwo xontte munookilevelela mwaha w’etthu kiiralyaaka?”

67 Owo khukwannya mpararini Mwawe ni ntata Nawe, khukuxa eliivuru ya khalayi khulepa “ooleveleliwa” memmo, khurihela ottuli Wawe, nto itampi saka khumalamala! Vano Owo khukiweha, ethoni yoolipa murima, Owo khwira, “Vano Miyo kihoolevelelani, masi nyuwo muntthuna omulamula owo.” Vano kaahoon etthu yaahimy’aya.

68 Okathi okhumaly’aka moowoonani, kimwaattamela muthiyan’owo. Miyo khwira, “Ehaali anyu?”

69 Owo aanwurya. Owo khukiweha osulu, nto owo khwira, “Oh, sayi.”

Miyo khwira, “Kikilaathiki?”

Owo khwira, “Kiri ni mutthu.”

70 Miyo khwira, “Nkilakenle yeeyo, muhano. Kintthuna olavula ni nyuwo, minuutu mmosa.”

Owo khwira, “Mukilaathiki.”

71 Nto miyo khwira, “Muhano, minuutu vakhani paahi sivinre, keemenle-ene vale ottuli wa mukhor’ole. . .” Miyo khupacerya omuleela. Nto vapacenry’aka oweha, maithori khupacerya omora wiitho wawe. Nto owo khukiirela. . . Miyo khwira, “Muhano, nyuwo khamuntthuna wira itthu iya. Yesu ohookhwa, nto ihukhumu sa Muluku soovololihiwa ni Ephome Awe. Nyuwo khamuntthuna wira yeela.”

72 Nto owo khwira, “Nnari, mulopwana.” Owo khwira, “Atithi aka yaari tiyakono mukereja. Miyo kileliwe vatthokoni va eKristu. Aiy’aka ni miyo naari mamempuru opaceriha, ni naakhala makhalelo a oKristu.” Owo khupacerya okileela wira, awo vakhwiyaaya. . . Owo aahikhalana axiruusi anli, nave khuhapuwa. Ni moota axiruusi yaamuhiyalyaaya, vano owo khurihela makhalelo awe. Nto owo uupuwela wira khiwaakhanle hata nrromelo wa yoowo.

73 Masi miyo khwira, “Muluku, mmoriwe ikharari! Ale Owo aasuwenly’awe khalayi ene, Owo oowiihana.”

Owo khwira, “Nyuwo mwa Reverendu Branham, a wu?”

Miyo khwira, “Ka yoowo.”

⁷⁴ Owo khwira, “Kinnuuliwa muru mmansaka, mwaha wo ookilaathi va siisa.” Owo khwira, “Munuupuwela wira waamukhala okathi mukina wa miyo?”

⁷⁵ Miyo khwira, “Yesu orina miyoono Sawe soowookowa, oowehereryakani nyuwo wira murwe, muhano.” Nto atthu akina khupacerya ocaliwa. Nto miyo khwira, “Munootthuna okhuma murwe vathi va ni miyo?”

Owo khwira, “Kinnitthuna, mulopwana.”

⁷⁶ Miyo khunvara ntata. Miyo khwira, “Nyuwo murina munnuwelo ntoko w’amey’aka. Mwaamutthuna okokhora ni miyo, vathi va?” Nto vathi vale, hiyo naahirukunxa nipuro nle oxekuw’ole, mwa muthukumano wa enamuna ya khalayi. Nto Muluku khumoopola muthiyan’ole, ni mahala Awe. Owo khwiiwariha khurwa vamuthukumanoni, nto, ntoko sinsuwel’aka, onkhala makhalelo a oKristu ohiy’ula.

⁷⁷ Exeeni iyo? Oh, Muluku onvekela oloka voomalela! Owo onvekela orukunxa wanyu murima. Owo onvekela ororomeleya wanyu wa Yoowo. Masi Owo onooweha ohiy’ula. Voohicala moota xeeni mwiiralyaanyu etampi, vakhani wala voowaatta, nyuwo nlelo mwa natampi, ni khimukhanle okelaka mwa hata enamuna ekina woohikhala ni Yesu Kristu, Mukuttho wa Muluku woomalela mwa sothene. Nto mwa Yoowo nyuwo munoolokihiwa voomalela wa mahiku othene. Muupuwele yeeyo! Kehiyo hat’etthu nyuwo muniiraanyu. Kahiyo makukhu masya nyuwo munikhunlaanyu. Kahiyo makhalelo masya munipaceryaanyu. Olapa wa yoovonya anyu, ni mahala a Muluku wa nyuwo. Eyo enimooruhani mwa oloka voomalela, vano nto nyuwo munikhala ooloka voomalela mwa Yesu Kristu.

⁷⁸ Kinniroromela, ohiy’ula, mpatthani aka, niry’ene va okathi ula muulupale w’othanla vano, okathi ithanlelo sirinaaya wiiriwa nuumala omwiiwa wahala ola. Nyuwo pooti wira muhinatoko omwiiwa khalayi. Masi khamukhanle ookhumaka mmosa wa mikhora iye mutthu yoole nvolonwaanyu, muhaana okhuma ooloka wala ootepa.

⁷⁹ Nto nuuramihaka muru okathi vakhani, kintthuna wira nyuwo mutthokelele vohirukuneya yeeyo. Munep’anyu ori sayi ohiy’ula? Yesu Kristu ohookhwelani nyuwo.

⁸⁰ Nyuwo muniira, “Munna Branham, kawerya-ru ohiya onvura sikaro, kaweryaru ohiya owurya, kaweryaru olokiherya etthu khata, kinimwiira.” Oh, khenkhalakhala yiiriwaka oratteene. Khamunkhalakhala nweryaka wira. Muhinrweelani siiso mury’anyu? Ni, mwa waamini, murowe mpakha Muro ole, makhwatta Anyu ootthukuwa anvahaaya, wira nto ophenta onvuluxa okhale mwah’anyu, ni onookhala mpakha nyuwo okhwa.

⁸¹ Xeeni okuxaka eranttelih? Xeeni weereryaka okela ni ekereja anyu? Xeeni weereryaka okela mwaha wo wira

muroohiya owurya wala ohiya wootha? Murwe mwa enamuna ya oloka voomalela! “Maana, ni Mukuttho mmosa, Owo ohaalokiha voomalela wa mahiku othene ale anreerihiwa.”

“Kinkhala sayi ooreerihiwa?”

⁸² Mulape itampi sanyu Ohoolo wa Ephome ya Yesu; nto Ekumi enkhuma Mphomeni mmo, ennimutthikela mulipa-ookokhorela, ni omureeriha wa otthuna wa itthu sa molumwenkuni. Maana, ni Mukuttho ole woomalela mwa sothene, Owo oonireeriha; Erooho emosaru, hiyo othene noopatisiwa mw’Erutthuni emosaru. “Vano khiivo ehukhumu w’ale ari mwa Kristu Yesu, w’ale ahineetta ettharaka itthu sa erutthu, masi Erooho.” Nyuwo mweereryaka weetta mwa Erooho, nave nlelo khunakhalela ithaama erutthu, Mukuttho nlelo khonahelilewe voophiyerya wa nyuwo. Masi mulipa-ookokhorela amalaru oreerihiwa, khonththuna-tho etampi.

⁸³ Owo aari Kalvario. Khanihiyo nipuro n’otumiha-vo maluwa, wala nipuro naamukhaani noowiira-vo *ela* wala *ele*. Naari nipuro Muluku ni mutthu yaataanihiwaaya. Naari nipuro vaavo murettele ni olipa wooloka saaruuheliwaaya nloko n’atthu. Munooverya orowa ni miyo, ohiy’ula, mpatthani aka natampi, mpakha oKalvario, ni mwaha wo waamini ohelela Ephome ela munep’anyu, ni ohiya Erooho Yoowaarya orwa khooreerihani ni Mukuttho Awe muulupale?

⁸⁴ Nihinatthi ovekela, munnitthuna onvenxerya ntata Muluku, ni wira, “Mukimorele ikharari, Muluku. Vano kinnilapa itampi saka sothene, ohiy’ula wa Enamathanu Yoowaarya. Ni kinnixukhurela ohaawa wuulupale Kristu ovinryaawe-mo mwaha wa miyo. Vano kinoovahererya otthuna waka yoomi, mawoko aka ni itthu sothene, wira koothharekeni Nyuwo okhuma olelo mpakha ohoolo.” Munoovenxa ntata nanyu, mwiire, “Mukuupuwele miyo, Munna Branham, mmavekeloni. Eyo ti exawuri ya murim’aka”? Ookhala mutthu, ohiy’ula wuulupale, nilipelelaka okathi vakhani paahi? Nno epantte ya moonoo aka woolopwana, vekeekhai ookhala mutthu vale. Nyuwo munnuuliwa muru mwaha wa itampi sanyu? Munnuuliwa muru mwaha wa itthu siniirakaanyu?

⁸⁵ Olumwenku ohiy’ula onaaphavela anamwiivaha. Ni wookhalana anamwiivaha, naalavulaka mwa erutthu.

⁸⁶ Nihiku nimosa oSuwiisa, okathi Elapo ya oSuwiisa yaaryaaya mmaxakhani, epartiitu yaamukhaani ya oSuwiisa khuthukumana mukampuni, wira yaakiherye—yaakiherye esukeryo aya. Muttitthi wa anakhotto muulupale waattamelaka waari muulupalexwa wa awo; awo othene yaari ooxutthiwa, yaahikhalana mavaka maalupale ni makula oowiisaakihana. aSuwiisa khiyaawerya hat’etthu woohikhala ohiya. Awo jaarookutteleliwa vamwaako. Vano aahikhala namwiivaha

mmosa aaisoonihenrye. Mutthu aahaana okhwa. Nto awo yaaxinttiwe-ru ekhotto . . .

⁸⁷ Awo khiyaarinasa hat'etthu woohikhala axikweya a khalayi, ni maluku, ikopo, wira ewane-no. Okathi, muttitthi w'anakhotto waattamelaka waakhalaaya ntoko nikokoro na itixolu. Awo yaakuxiweru, axaar'aya axikhaani oophenteya yaamutupheliwa, axiruusi aya yaamutupheliwa, axaana aya yaamwiivakasiwa, miru saya saampfutuliwa, itthoko saya saampwexakasiwa, sothene saampweteya.

⁸⁸ Vano aahikhala mulopwana mmosa, nsina nawe nihinreere waakuva oliyaliwa, aihaniwa Arnold von Winkelried. Owo khukhumela, khwira, "Atthu a oSuwiisa, olelo miyo kinoovaha ekumi aka mwaha wa Suwiisa." Owo khwira, "Ovikana mwaako vakhani iwe yookhala etthoko yaamukhaani. Kookhalana mwaar'aka ni anamwane araru ankilipelela. Masi awo khanrowa-tho okoona, maana, olelo miyo kinoovaha ekumi aka mwaha wa Suwiisa."

Awo khwira, "Munrowa wira exeeni, Arnold von Winkelried?"

⁸⁹ Owo khwira, "Mukitthare, ni mwiire yoolokaxa munweryaanyu n'ile murinaanyu wira mwiirane."

⁹⁰ Vano owo khuweha muttitthi w'anakhotto mpakha ophwanya mavaka oowaattaxa. Vano owo khuvexerya matat'awe osulu, khutthimakela nikokoro nle nuulupale na mavaka, ni akhuwelaka, "Mutthukule ephiro ya otaphuwa! Mutthukule ephiro ya otaphuwa!" Mavaka emiya emosa khurukunuwa wira yaakhelele otuphela wawe; owo khutaphula miyoono sawe khwaakhelela vatthirima vawe, yaawo yaamuttemunle, vano owo khukhwa okhomoni wa mavaka ale. aSuwiisa ale khimutthara owo ni iwaxuxo ni ikopo. Wooniherya iwe wuulupale wo wiivaha waahimwarya muttitthi ule w'anakhotto, mpakha aSuwiisa owoomola mulaponi. Ni awo khanakhalaneke ekhotto okhuma nihiku nenlo, okhuma vaavo.

⁹¹ Nvinye oSuwiisa nto muromole nsina na Arnold von Winkelried, munimoona maithori emoraka wiitho waya. Mwaha wa xeeni? Owo aahoopola elapo aya. Eyo yaari eyiirelo yuulupale ya namwiivaha. Enoorika olikanyihwa n'ekina, ni khenavikaniweke, mulaponi mu.

⁹² Masi, oh, eyo yaari etthu yaamukhaani wa ele yaakhumelenle nihiku nimoso! Okathi nloko nikhaani na Atamu naaphwanyaneie-aya, axetwani yeettaka ipantte sothene, maprofeta yaahivonya, ikano saahivonya, mukuttho w'amwaanyompe ni amwaapwittipwitthi waahivonya, mukhalelo wa mutthu waahivonya, sothene. Nto nloko n'Atamu naaphwanyaneya, nooxinttiwa; noovikaniwa mwa nummero ni axetwani, iyuupuwelelo sa mwiikho, iretta, ikwerere.

Aahikhala mmosa ookonle nivalo Wirimu, khwira, “Olelo Miyo kinookhwela nloko n’Atamu.” Owo aahirwa elapo ya vathi khwiipaka erutthu. Owo khuweha vathi olukama eriyari ya mavaka waakhala nto wooriipelaxa. Wooriipelaxa wo woova wothene wa mutthu waari okhwa, nto Owo khukuxa okhwa vatthirima Vawe. Nto oKalvario Owo aahiliva mukuttho, nto khikhuwela, “Mutthukule ephiro ya Otaphuwa!”

⁹³ Nto Owo onnikhuwelela Ekereja Awe, “Mukuxe Ela Miyo koohiyenryaakani, Ephome Aka ni Erooho Aka, nto nwane ni khula etthu murinaanyu.” Hiyo ninoowerya oxintta ohiy’ula, ni Yeeyo, mpatthani. Nyuwo munoowerya omukumiha xetwani wa nyuwo. Khula nwanani a khalayi ori mmakhaleloni mwanyu, vanniweryaneya okumihiwa ni Ephome ni Erooho ya Kristu, ni nyuwo munoowerya okhala ooloka voomalela Ohoolo Wawe. Kristu ootthukula ephiro!

⁹⁴ Mwaamuwerya onvenxerya moonoo anyu Yoowo, ni wira, “Mukivelelele”? Muluku ooreeriheni, munna. Mutthu mukina tho, “Mukimorele ikharari, Muluku, vano kinlapa soottheka saka”?

⁹⁵ Aakhala mamempuru kamosa-kamosa a mukereja ookuttihiwa anrowa okereja khula nihiku, ni khino aniilipiha okhala ooreera murima ntoko sinwery’aya, masi nlelo nyuwo munnisuwela wira mukhalelo owo w’oviruwa ni ohicaliwa, ni wiisoona, mihapo sinnoopharelelani mpakha muhinkhalanaanyu oxintta? Mwaamutthuna okukutthiwa ni Ephome, ohiy’ula, sothene iyo? “Maana mulipa-ookokhorela amalaru ovuluxiwa khorina-tho muupuwelo...” Mwaamutthuna ovenxa ntata nanyu, nyuwo mempuru a mukereja? Muluku ooreeriheni, muhano. Nvenxe matata mwiire, “Munna Branham, mukuupuwele miyo mmavekeloni.” Muluku ooreeriheni, muhano. Ti yeeyo. Eyo ti y’eeekhai... Eyo etthu y’eeekhai yo wiiriwa. Muluku ooreeriheni ottuli iwo, mulopwana.

⁹⁶ Mutthu mukina-tho ovenxe ntata, aire, “Mukimorele ikharari, Muluku. Miyo koosuwela wira kinnihimya oKristu, masi miyo nkinkhala. Miyo koosuwela wira nkinkhala. Ni mmurimani mwaka, miyo vekeekhai nkikhanle oratteene ni Nyuwo. Kintthuna kikhale mmosa w’ale oothanliwa a Muluku. Kinnoona mmurimani mwaka wira ka yoowo, masi nkinahiyeke miritti sinkirukurerya vookhweya-vo. Ni miyo kintthuna kihye ohiy’ula. Ni, ni mahala a Muluku, miyo kinimwiira. Mukivekelele.” Munnitthuna ovenxa ntata? Muluku ooreeriheni, muhano. Mutthu mukina-tho. Vakhani paahi, ninoolipelela.

⁹⁷ Nilipelelaka voomaaleleya, atthu othene vano muuramme-ene nvekelaka, mwiipe nla voomaaleleya vano:

Yookhala Ephattuwelo yoosareya Ephome,
 Enikumihwa mmutikani mwa Emanuweli,
 Nto anatampi yapwina vathi vaya . . .
 Annaapweteya malepa aya othene oottheka.
 Annaapweteya . . .

⁹⁸ Khamuntthuna wuupuwelela naanaano va? Muheererye orapiha. Kristu ori mmatatani mwanyu.

⁹⁹ Pilato aaheererya, voosiis'ula, ntoko ewoora ya neethanu na mosa; masi matata awe nlelo arina ephome, ephome voottheka. Moosuwela etthu yaamukhumelenle. Owo aahirowa oSuwiisa, miyaakha sinci-ene ohoolo waya, khumpweteya muupuwelo awe, khwiisiiva airihelaka mutankini mwa maasi. Voosiis'ula, oSuwiisa, atthu imiya sene annoorwa owaha yookhumelela eyo, maasi ooripelela anookaphula okhuma vathi va ehimye ele ya maasi. Awo anniira yeeyo khula mwaakha. Ehantisi ya khalayi, enihimmwa wira Muluku aahikhootta maasi wira ekukutthe matata awe.

¹⁰⁰ Munna, hata wira imaara kavi mpatisiwaanyu, etthu p'itthu muneereryaanyu wira, khiivo enrowa okukuttha matata anyu voohikhala Ephome ya Kristu. Muluku ookhootta. Nto maasi ooripelela, nuuvira miyaakha, soophiyka, ikonto piili, nlelo anookaphula. Muluku onookhootta. Onaxariya anyu khonwerya okukuttha itampi sanyu. Hat'etthu woohikhala Ephome ya Yesu! Muupuwele yeeyo vano. Ninrowa ovekela, okathi vakhani paahi.

¹⁰¹ Kaatthuna kisuwele sinto pooti okoha etthu ohiy'ula. Okathi Owo aary'awe vale vasaala voophuka va Pilato, voosiis'ula, khwira, "Omwene Aka waari wa olumwenku yoola, Miyo kaamuwerya olavula n'Atithi Aka nto naanaanoru Awo yaamukirumihela mittitthi muloko ni miili sa Malaikha." Okathi, mmosa wa seiyo waaweryaaya ohonona olumwenku. "Miyo kaamulavula ni Yaawo, nto mittitthi muloko ni miili sa Malaikha saamukhala mwa oruma Waka." Owo aamwiira oirale-ene. Masi Owo aari vale, owiisumaaliha ni owiiveyiha, wira akuxe okhwa wanyu ni okuxa itampi sanyu.

¹⁰² Nyuwo munookhala ooxukhuru voophiyerya mwaha wa Mukuttho yoowo ohiy'ula, nyuwo mumphavela, ni mumphavela iparakha sa Muluku, munoovenya mweemele mwaha wa nivekelo nla? Nvenye paahi mweemele, nyuwo munthuna wuupuweliwa mmavekeloni mu, mwiiraka, "Muluku, mukimorele ikharari. Miyo ka oottheka, kinniiraka itthu soovonyeya, nto vano kintthuna kikupali oleveleliwa waka mwa Kristu Yesu." Munnitthuna weemela okathi ene yoola? Muluku ooreeriheni, mwamuthiyana. Iwo p'uminyala. Mukhale mweemenle-ene paahi vaavo.

¹⁰³ Munthuna okileela wira moovenxa ntata nanyu, vano nto khamuhiyo naxariya voophiyerya wira nvenye mweemele? Yooreera xeeni Ehapari yooreera ewiirenlyaayani? Oh, othweela

iwo ni ekereja, othweela ni Muluku! Okathi ori vakhiviru, nihiku nlo musika wa aatomu onophiya wenna nno nipuro nlo, muhina mwa emosa wa ikaafirika iya suulupale sa oka. Khenrowa okhala esekuntu emosa yo wuupuwela yeela. Onrowa okhala vaxiye-vo saana nto, ni khino ohinatthi Paasikha ontharelana, wala hata Paasikha yoola. Khamuntthuna ovenya vano, wira, “Muluku, mukimorele ikharari miyo, natampi. Miyo vano kinnimukupali Kristu, mwaha wo wiivaha Mmansawe ntoko mukuttho w’ottipiha itampi saka. Nto ni mahala Awe, ni mahala Awe paahi, miyo kinnikhala Ohoolo wa Muluku.” Nyuwo munoolapa soottheka sanyu? Ole onikhuwa itampi sawe khonkelela ohoolo. Ole onihimya itampi sawe, onnimoreliwa ikharari. Owo mwaha anyu. Owo onimoowehani.

¹⁰⁴ Vano, Apwiy’ahu Oottotopeliwa, mwa numero noophwanelela ohiy’ula simphwanyaneya minepa soowiiniwa murima, mulopwana mmosa ni athiyana anli.

¹⁰⁵ Ntoko miyo sinuupuwelaaka, Pwiya, oKalvario, okathi mmosa epantte emosa, aairalyaawe, “Pwiya, mukuupuwele miyo Nyuwo mwakelaru Momweneni Mwanyu”; mukina khwira, “Nyuwo mwaari yoowo, munoonihe mwiiriirya mmosa, munikumihе vamwiikimanyo mwiisopole Mmansinyu.” Nto mukina khwira, “Muluku, mukimorele ikharari.” Nto Muru anyu khuuramela epantte aya ya moonoo woolopwana, khwira, “Olelo nyuwo munookhala ni Miyo mparatiiso.” Masi Nyuwo mwaari oomaala wa mukina, okhala wira khuwaakhanle hata orukunuxa murima.

¹⁰⁶ Nto, Muluku Tithi, miyo kinvekela wira ala khino... Miyo kinniroromela wira ari araru mpaani mu, anoona wira ahaana olapa soottheka saya. Masi wira awo arwiie mwa enamuna yoomalela mwa sothene, ya ephiro ya vamwiikimanyo. Mwaalevelele, Pwiya, ni mwaareerihe. Awo arisa va yeemenlene ohiy’ula; ntoko Nyuwo seemenlyaanyu mwaha wa yaawo, musaala wa ophuka wa Pilato; ntoko Nyuwo seemenlyaanyu mwaha wa awo, eriyari ya Wirimu ni vathi, okathi nsuwa naatupuwenlyaaya ni mweeri khuhinavaha waarya waya, ni ekuwo ya mpaani moolompa yaahikhereya okhuma osulu mpakha vathi. Miyo kinvekela, Muluku, wira Nyuwo mwaareerihe ni mwaavahe omoriwa Wanyu ikharari, ni mwaakukutthe ni Ephome Anyu. Ni mwaapatise ni Owerya Wanyu wooreeriha, mw’Erutthuni ya Mwan’Inyu, Kristu Yesu, nto awo anoosukeriwa okathi wa Ohimala. Mwaareerihe akina anoona wira nlelo ari saana, wira awo aakumana ni yeela ni ahiira siiso. Miyo kinvekelela eparakha yeela, mwa Nsina na Kristu. Amen.

¹⁰⁷ Muluku ooreeriheni. Nto nyuwo mumphwanyaneya vakhiviru n’ale avennye, mookole moonoo nvahane matata, mutthu, mwiire, “Apwiya yooreeriheni,” ti yeeyo, ntoko ntata na opatthana.

108 Hiyo nri ooxeleliwa vakhani paahi vano mwa miteko sahu. Akavi animphenta Pwiya Yesu, nvenxe ntata? Kiireke, nimaanle-ene vano, wala voomaaleleya saana ntoko sinwery'ahu, wa omuthapela Yoowo okhanle ookhala mapuro othene, ori vaava ohiy'ula, namuwerya wiipa voomaaleleya:

Waari vamwiikimanyo vaavo Moopoli aka
okhwiw'awe,
Vale wa orapihiwa itampi miyo kaahinla;
Vale murim'aka . . . (Okathi muttharinhe-anyu
yooruma, khuhela matata anyu mwa Yeeyo,)
Vale murim'aka waahiheleliwa Ephome;
Oh, nivuwihwe Nsina Nawe!

Nrowe niipe voomaaleleya vano, nuuramihaka miru sahu wa Yoowo.

Vamwikimanyo vale Moopoli aka okhwiyaawe,
Vale wa orapihiwa itampi miyo kaahinla;
Vale murim'aka waahiheleliwa Ephome;
Nivuwihwe Nsina Nawe!

Nivuwihwe Nsina Nawe! (Nsina nooreerexa!)
Nivuwihwe Nsina Nawe nooreerexa!
Vale murim'aka waahiheleliwa Ephome;
Nivuwihwe Nsina Nawe!

109 Vano voomaaleleya, muuraminhe-ene muru. Nyuwo mooponwe, mwiire:

Oh . . .

Nvenxe ntata vano.

Oh, Ephattuwelo yooreeraxa enoopola mwa
etampi!

Kinnitthapa mwaha wo okela;
Vale Yesu onnikoopola ni okikhaliha oothuwa;
Nivuwihwe Nsina Nawe!

Nivuwihwe Nsina Nawe nooreerexa!
Nivuwihwe Nsina Nawe nooreerexa!
Vale murim'aka waahiheleliwa Ephome;
Nivuwihwe Nsina Nawe!

110 Vano ni matat'anyu vathi, miru sanyu soowuurama. Kinoomalaru wuupuwela; ookhala olikanri okathi vakhani ovinre, ni ohimnye wira ookhala aatthuna wuupuweliwa ohiy'ula mmavekeloni, mwaha wa erutthu awe. Awo khiyaawenrye otthikela vamuthukumanoni wa Ttiminku ohiyu, wa muteko muulupale wo ovoniha. Mwaanvenya mweemele, nyuwo muntthuna wuupuweliwa mmavekeloni mmo naanaano va?

. . . murim'aka waahiheleliwa Ephome;
Nivuwihwe Nsina Nawe!

Nivuwihwe . . .

¹¹¹ Vano ni miru sanyu sowuurama. “Owo ohaaxeriwe mwaha wa soottheka sanyu, onyakatteliwe mwaha wa sootakhala sanyu, ehukhumu enoovahani murettele yoomulemela Yoowo, nto ni makhwatta Awe moovonihiwa.”

Nivuwihwe Nsina Nawe!

¹¹² Vano, Tithi Oottotopeliwa, okathi onaattamel’ahu mwiikimanyo naanaano va voowiiyeviha, vaavo mahala ni ikharari sikiphwannyaaya, vaavo Ettheneeri Yoowaarya ni Y’oxaka emmwaraxelaaya omwaleela Waya vookirukurerya. Aretta ala yeemenle Ohoolo Wanyu. Awo annaamini naanaano va, wira mwaha wo waamini, awo anniweha ettuli ile ni makhwatta, iwe. “Nto makhwatta Awe t’anivoninhe.” Tithi Oowaaryaxa, ninrwa nihimyaka waamini wahu, naaminiki wira Nyuwo munnivoniha irutthu sahu sinwereiwa, mwaha wa ehaawelo yuulupale yoorantela ya Pwiya Yesu. Nto hiyo ninnivahererya mwaha wa atthu ala yeemenle, mavekelo o waamini, Nyuwo muhimmyaanyu wira anoomoopola muretta. Nto hiyo, vamosa, ntoko omosa w’alipa-oowaamini Anyu ohiy’ula. Nyuwo muhimmye wira, “Vanthukumanaaya aili wala araru, Miyo kinookhala eriyari aya.” Nto hiyo ninvekela omoreliwa ikharari yaawo wira mahala Anyu vano ekwannye muhina saana wa munep’aya, wira etthu etthukeliwe nankura vathi saana; wira esuwele wira Kristu ori vaava ni oolavula ni yaawo, airaka, “Mwan’aka, Miyo kookuxa eretta anyu wu oKalvario. Vano muruuhe ovela-vela wanyu wothene wa Miyo, maana Miyo kinookhapelelani.” Ni wira awo avonihiwe, voomalela, maana hiyo ninvekela mwa Nsina na Yesu. Amen.

¹¹³ Nto okathi awo anikilaathaaya vano, mutthu owaattamenle, nwiixatherye matata, mutthu aavekelela. Bibilia ohimmye wira, “Awo anoowixaatherya matata aretta; anoopenuwa.” Apwiya yooreriheni.

¹¹⁴ Kaahivonye vale, nkinininweha mulopwana mmosa ovonihiwe va mahiku maili avinre, wala Ittiminku kamosa-kamosa sivinre, aari oohiwa wala etthu mmaaruni mwawe? Kinniwoonani opuha muthukumano ohiy’ula. Mnnikiiwa saana vano? Ti yooreera. Yoothamaleya! Nvenye paahi mweemele okathi vakhani. Akavi animuupuwela owo oryeene vaava? Vano owo aahivira eliinya ya mavekelo, khuttikiheriwa vaplataforma, nto Apwiya khunvoniha khimukhaliha mukumi. Attotopeliwe Apwiya! Kooxukhuru, munna, mwaha w’onamoona anyu. Vaamuweryaneya okhala ituusiya sene! Masi Awo kahi oothamaleya?

¹¹⁵ Vano, nintthuna niwooneni meelo ohiyu, vohixeleliwa. Vano nto Ttiminku voosiisu, vahixiye. Ttiminku oxekuwa, nto mwawerya vale mutthike mwaha muteko wa ovoniha

Ttiminku ohiyu. Mpakha nikumane, nivenye nto niipe nsipo nahu n'olaxeryana, *Mukuxe Nsina Na Yesu Ni Nyuwo*.

Mukuxe Nsina na Yesu ni nyuwo,
Mwanamwane a mixankiho ni ooriipiwa
murima;

Nlo otthapa ni olipa . . .

Murukunuwe ni nvahane matata vano n'atthu othene.

Mukuxe Nenlo mapuro othene munrow'anyu.

Nsina nooreeraxa . . .

Murukunuwe ni nvahane matata.

. . . O noosivela!

Muroromelo wa mulaponi ni ohakalala wa
Wirimu;

Nsina nooreeraxa, (Nsina nooreeraxa!) O
noosivela! (Noosivela!)

Muroromelo wa mulaponi ni ohakalala wa
Wirimu.

Vano nkawehani epantt'ila nno.

Nsina na Yesu nuurameliwe,
Nikokhoraka munawoni Mwawe,
Mwene a mamwene Wirimu nnoomuwaraha
nleha,
Okathi ekwaha ahu emmalaaya.

Nsina nooreeraxa, O noosivela! (O noosivela!)
Muroromelo wa mulaponi ni ohakalala wa
Wirimu;

Nsina nooreeraxa, O noosivela! (Noosivela!)
Muroromelo wa mulaponi ni ohakalala wa
Wirimu.

¹¹⁶ Vano muupuwele nikhuru na masipo Neville, prokraama a raatiyu a nikhuru n'axexe voosiisu, WLRP, ewoora ya neethanu na xexe. Ni Munna Stricker onrwa ewoora ya neethanu na xexe ni minuutu miloko mixexe ni mithanu, Ttiminku voosiisu. Woohikhala khalayi kaampakela efiita yoowo oxekuw'ola, mwaha wa ohihimuwa.

¹¹⁷ Nto vano, mpakha nikumane-tho, iparakha s'Apwiya sikhale ni nyuwo, nuuramihaka muru. Nto kinrowa onvekela mpatthani aka ooreera murima ni munna, Munna Palmer, onikhuma oMacon, Georgia, wira olaihe muthukumano ni nuulumo na mavekelo, nivekelaka. Munna Palmer.



OLOKA VOOMALELA EMK57-0419
(The Perfection)

ETTHARANELO MIHAKALALIHO SA PAASIKHA

Mutthak'ola wa Munna William Marrion Branham, opaceryawene olaleeriwe ni Enkelesi Namathanu Yoowaarya ohiyu, mahiku yeettaka 19 mweeri wa Abril, 1957, oBranham Tabernacle, oJeffersonville, Indiana, wAmerika, okuxiwe wo okaravariwa mufitani ya makineti khulempwa wothene ni nntaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org